

四明叢書第四集後序

壽鏞輯四明叢書第一集二十四種第二集二十二種
第三集十七種今輯第四集三十七種合一百種任力
耕耨寒暑又更祖述曩哲自宋迄清文以載道道深則
名楷模後進維諸先生

慶曆而後學紹淳熙廣平年長藹然春曦孝友融明篤
實不欺疏席做牀我心則夷先張後陸朱呂友師啓迪
來學講解禮詩維斯殘彙黎洲搜遺剡源謁墓荆棘誰
披錄舒文靖公類稿第一

四明叢書 第四集後序

一 四明叢書

約園刊本

定川言行述於和叔學始閨門夢寐無惡孝在盡歡飲
水啜菽愉色婉容祭義膺服出而事君忠義矢夙錢盡
再來幾失難復不求大本何論條目悠悠千秋其洲曰
竹輯定川遺書第二

大哉慈湖精神謂聖四勿三省誠身在敬豈略事爲貽
空妙病經國治鄉卓著善政甬三門人蒙齋無競習庶
石坡亦篤躬行欲修羣書閒邪以正雖永厥年大志未
竟錄慈湖遺書第三

天地一本正獻歲鬼素尙氣節體用兼該崇政殿上經

筵趨陪式微揚水盥時可哀拳拳忠盡冀君心開胡終
闇弱太息後來有子嗣響無愧掄魁遺文更補貴晚楊
梅錄紫齋毛詩經筵講義第四袁正獻公遺文鈔第五
仲培戴氏居桃源鄉持節將漕爲衣冠光深寧世譜名
姓留芳胡世不察以浙誤湘述俛飛廟說大人堂載於
鼠璞微獻梓桑況於名物攷訂精詳江湖詩派鶴唳淒
涼錄鼠璞第六戴仲培先生詩文第七

王深寧叟困而好學用志不分晚彌堅卓紀聞一書純
而不駁閻何萬全相與研擁維我先公說守其樸觸類

四明叢書

第四集後序

二四明叢書
約圖刊本

引伸益求詳確履霜堅冰理徵復剝嗟余小子德修罔
覺輯困學紀聞補注第八

曰丁孝子遭際坎坷人不堪苦獨寐寤歌生平奇行春
草搜羅廉義主輔而衛以和其俗短喪守經不阿詩以
人重況振頽波在昔黃顧一卷摩抄海巢逸響忠愛情
多錄丁鶴年詩集第九

白沙入室有賀黃門至性不顯寶藏靈昏世卽我用我
道何尊經五書四獨探其原小齋歲月在養心源取信
於世曰無闕言實理充塞道體長存釣臺何處萬里羈

魂錄醫閣先生集第十

白齋詩思雨碧雲蒼陳言務去薄宋宗唐三百廿八輯
自臬堂正刻續刻一傾詩囊契林見素邃密商量發爲
評議識見精當林泉雲鳥其樂洋洋清白自守竹里翁
祥錄白齋詩集第十一

半湖陳子負天下譽松溪作宰筮仕之初泊守撫郡惟
奸是鋤奇謀倚角陽明依於功高謗起公乃怡如闔門
卻埒左右圖書隨筆輒記善惡成臚可懲可勸義命自
據錄聞見漫錄第十二

四明叢書

第四集後序

三二四明叢書

約圖刊本

正嘉詩人曰陳魯南與朱王顧轡竝駕參赤寶作賦其
思深湛旣入翰苑爲國榷梅偶忤權貴肉食自慙抗疏
致仕芒屨竹籃登臨山水游錄詩談慨然憂患守道奇
男錄拘虛集第十三

邵子皇極表裏太玄獨深於易未廣其傳精微深妙觀
物外篇張吳二氏校正後先余南湖起妙旨更銓名曰
釋義道協人天不以術恩數理犁然三兼奇耦卓哉斯
編錄皇極經世觀物外篇釋義第十四

豐氏南馬直臣之嗣築萬卷樓其學深邃書法尤工五

體竝萃點畫古型魏晉高致中矩中規運筆獨異樂道
安貧暮年蕭寺爰列書家評其第次八法精英宣斯訣
祕錄書訣第十五

百家汎濫曰陳約之其性亢潔不喜逢時厭薄何李學
初唐詩京楚關洛卽景摘辭五溪之上九曲之湄詞不
詮次命曰無奇文亦娓娓華實兼施惜不永壽唐張拾
遺錄陳后岡詩文集第十六

碣石西清高標磊落兩集頡頏各有寄託筆矯蚪龍伯
翼瞻博影子古人暗中摸索今人而古是謂鉅作名滿

四明叢書

第四集後序

四

四明叢書

約圖刊本

京師歸休南郭歎詠脩園自安澹泊廿載詩文穀率是
度錄碣石編第十七

觥觥南仲教授金華古田移宰民咸拜嘉高唐作牧致
仕還家穡事周盛西山人遐回首翠屏銅馬鎗訝徘徊
遽別南北路賒泠泠之水迴灘截沙阮公游地感慨交
加錄銅馬編第十八

汐社三老葛楊與王王氏右仲艱險備嘗三年客涪遺
愛甘棠胡與時迂吾道窮傷匈懷約結修詞未遑居夷
而困作書洋洋入夫子室宜取紫陽舍魚得掌吾願已

償錄夷困文編第十九

囊雲周子生不逢辰作吏粵東勤政愛民棄官過返浙
海揚塵黃吳殉國百城沈淪遁而入剡桃源避秦青松
白石高曠絕倫單言片句不蹈前人霜聲猿叫湛然之
身錄囊雲文集第二十

梨洲先生明季遺老登四明山靈蹤探討丹山之圖九
題之考名勝詩文撮殘屬稿爲惜前人遊者草草糾繆
繩愆無使顛倒一石一流溯洄肇造定國子瞻襟期同
抱錄四明山志第二十一

四明叢書

第四集後序

五

四明叢書

約園刊本

萬氏八龍允誠第七題句驚人尤精五律杲堂愛之相
依甥室輯耆舊詩獨與搜逸卓然成家杜陵可匹深省
名堂退藏於密和平之音長厚之質悠哉白雲故園春
日錄深省堂詩集第二十二

悲夫石園書爲人盜史局終身精神暗耗五禮尤精名
被徐冒著述云多散失堪悼彙攷紀元史學先導八卷
詩文讀之傾倒眞治眞儒其見遠到千古一時大業是
好錄歷代紀元彙攷第二十三石園文集第二十四
九沙早歲師事念臺應閩樸學杖履又陪拯望溪獄古

誼交推購白衣集拂拭塵埃春秋禮記父書恢恢纂輯
方畢絳雲厄災篤好隸學唐漢胚胎書雖小道攷證淹
該錄分隸偶存第二十五

字音不明訓義轉晦朱子傳詩雖與序背亦舍釋文以
俗音載後先兩歧出弟子輩史氏雪汀究誤所在逐一
考求韻書條對紀氏審之更正於戴就簡刪繁流播海
內錄審定風雅遺音第二十六

伊人洞溯玉几山岑清逸瘦削怨咽之音繡缺擬古更
曰秋吟凡詩三卷足見淵襟況工書畫逸才咸欽聽雨
一錄拾取碎金不因人熱江淮浮沈亦陶亦李物外寫
心錄玉几山房吟卷第二十七

諸經之中惟易雜出正閩不清道入於術維全謝山慨
然引述粵攷藝文錄其纖悉五行菁龜天文及日兵道
釋仙均所必黜煌煌三篇議論宏實竹垞纂經毫釐之
失錄讀易別錄第二十八

雙韭高弟曰盧配京學凡三變以博雅鳴秦王畏友蔣
董齊名大江南北書冊列楹日盡數卷擷百氏英平陽
司鐸經史詔生發爲吟詠柴桑清聲茹今含古展也大

成錄月船居士詩稿第二十九

曰董小鈍才號有用西粵西秦循聲歌頌小試牛刀豈
爲君重鮪埼之文有關學統忠義錢張及其羣從耿耿
此心冀俎豆供春雨纒綿遺言載誦東井傳薪軼事旁
綜錄春雨樓初刪稿第三十

曰范冲一少負不羈翻然向學謝山裁之道統分合經
術醇醜史案同異文章盛衰瞭如指掌見稱於師枯楊
敗蘆詩音淒其學臻縝密匪傳以詩卽詩見人其志可
悲錄存悔集第三十一

四明叢書

第四集後序

七

四明叢書

約園刊本

詩文學製維陳旭峯抱經盧氏子弟景從有書可讀經
史羅胸助教國子得士雍雍焚餘燼後聊寫情棕歸來
栗里徧訪舊蹤陸皮選勝丹赤倚筇採詩五百桑梓敬
恭錄四明古蹟第三十二

袁子陶軒萬全流亞夢薛琉璃風流蘊藉漢宋冶谿文
章有價少而孤零沐贊善化芸臺契之置於幕下才譽
日隆著作滿架擺落陋儒近代之霸瞻衮家風後先躡
跨錄瞻衮堂集第三十三

襄陵作令曰孫曙舟明於聽斷卓著循猷囊無長物棗

鶴清幽如期而至惠頌縱囚旣歸故里三友唱酬詩草
工緻種玉詞留有子濟美詞苑遨遊降祥作善君子道
謀錄襄陵草第三十四

獲軒王子學有本原始精小學溯晉唐源晚補學案有
功宋元中讀史記系本不存慨然憂悼風俗何敦爰稽
氏族別類分門都凡六冊卷帙浩繁全書待理先標例
言錄世本集覽原起提綱條例目錄通論第三十五

補園之貌弱不勝衣補園之學深湛淵微硯田雖薄色
養慈闈鬻文以益事與願違形囚神瘁實至名歸一介

四明叢書 第四集後序

八四明叢書
約園刊本

不取純白風微矜嚴持律知音者希厄之以遇瞻仰獻
歎錄補園賸藁第三十六

文章一道自古甚難理勝詞勝惟求其安嗟我悵夫攻
苦力殫詞章訓詁著譽文壇一宰蠻瘴無負斯官難容
直道還守儒冠爰述文派作古今觀生平所得照耀毫
端錄古今文派述略第三十七

龍門纂史故事遺文厥協旨趣以敬榆枿開卷有益苾
苾芬芬更求放失擴我見聞自慚譴陋負山以蠹民國

二十五年四月張壽鏞

四明叢書

第五集

四明張氏釣園開雕

卷五集